

Ժողովուրդ

28 սեպտեմբերի շաբաթ 2024
տպագրության ԺԳ տարի

131
(2981)

Է. Երեւան, Արմավյան 22ա/3 (0010) + 374 10 546423 info.armlur@gmail.com, info.zhoghovurd@gmail.com

100 դրամ

ՓԱՇԻՆՅԱՆՆ ԻՇԽԱՆՈՒԹՅՈՒՆ Է ՊԱՐՈՒՄ ԽԾԲ-ՈՎ



Խնամի-ծանոթ-բարեկամ կապով իշխանությունը պահող Նիկոլ Փաշինյանը, քրոջ աղջկան պետական համակարգում տեղավորելուց եւ հեռացնելուց հետո, անցավ քրոջ փեսային:

«Ժողովուրդ» օրաթերթը պաշտոնական աղբյուրներից պարզեց, որ ՀՀ վարչապետ Նիկոլ Փաշինյանի քրոջ դուստրը՝ Ռոնա Ահարոնյանը, մինչեւ վերջերս ՀՀ ֆինանսների նախարարի մամուլի քարտուղարն էր, ով ազատվեց պաշտոնից հուլիս ամսին՝ սեփական դիմումի համաձայն:

«Ժողովուրդ» օրաթերթը պարզեց նաեւ, որ Նիկոլ Փաշինյանը, իր քրոջ աղջկանից բացի, 2022 թվականին պաշտոնի է նշանակել նաեւ նրա ամուսնուն՝ Վլադիմիր Հովհաննիսյանին:


Վերջինս ՀՀ մարդու իրավունքների պաշտպանի աշխատակազմի քաղաքացիական, սոցիալ-տնտեսական եւ մշակութային իրավունքների պաշտպանության դեպարտամենտի ղեկավարն է արդեն երկու տարի: Մինչ այս պաշտոնին նշանակվելը Վլադիմիր Հովհաննիսյանը ՄԻՊ գրասենյակում հասարակ մասնագետի պաշտոնով է աշխատել, ապա դարձել ՀՀ մարդու իրավունքների պաշտպանի աշխատակազմում գլխավոր քարտուղարի տեղակալ:

Կինը եւ ամուսինը պաշտոնավարմանը զուգահեռ երկու տարում համատեղ սեփականությամբ երկու բնակարան են ձեռք բերել Քանաքեռ-Զեյթուն վարչական շրջանում:

Բնակարաններից մեկի հիփոթեքի մայր գումարի մնացորդը 2024 թվականին կազմել է 14 մլն 459 հազար դրամ:

Սա հերթական ապացույցներից է, որ Նիկոլ Փաշինյանը ոչ մի անօրեն բան չի մերժում եւ ջուր է լցնում հակաօրինակության ջաղաղին:

Փ աշինյանը փորձ է անում փրկել ընտանիքին՝ կասկածելի քայլեր անելով: ArmLur.am-ը դեռ հունիսին էր արձանագրել, որ Նիկոլ Փաշինյանի ՀՀ վարչապետի անձնական տվյալները հեռացված են կենտրոնական ընտրական հանձնաժողովի ՀՀ ընտրողների ռեգիստրից: Հետո պարզեցինք, որ ընտանիքի անդամները եւս չկան ՀՀ ընտրողների ռեգիստրում: «Ժողովուրդ» օրաթերթը հետևողականորեն ուսումնասիրեց եւ նկատեց, որ այժմ Նիկոլ Փաշինյանը վերադարձել է հայրական տուն, եւ հիմա նրա բնակության հասցեն Տավուշի մարզի Իջեւան համայնքի Ենոքավան, առաջին փողոց բնակարան 9-ն է: Նրա հետ համատեղ բնակվում են 2 անձինք՝ Նիկոլ Փաշինյանին տարեկից Չիբուխյան Վարդուհին եւ 1965 թվականին ծնված Փաշինյան Շողերը: Հարկ է նշել, որ Փաշինյանի ընտանիքի չափահաս անդամների տվյալները եւս բացակայում են ՀՀ ընտրողների պետական ռեգիստրից: Թե ինչու են են այդպես մեկուսի ապրում իշխանությունները, պարզ չէ, սակայն փաստ է, որ Փաշինյանը ինչ-որ բանից փրկել կամ ապահովագրել է ընտանիքին:



Ե նթակառուցվածքներ են փլուզվում, բայց ԶՊ առաջնորդը անհոգ է եւ երջանիկ: «Ժողովուրդ» օրաթերթը անդրադարձել էր 2022 թվականի համեմատ 2023 թվականի ցուցանիշներով ՀՀ տնտեսական որոշ «հսկաների» շահույթի գահավիժմանը: Հերթական օրինակը առավել քան մտահոգիչ է, քանզի 8 անգամ կամ 800 տոկոս շահույթի նվազումը հավասարազոր է տնտեսական փլուզման, հատկապես, որ Երեւանի կենտրոնում գտնվող թեկնածու «Ալեքսանդր հոթելը», առանց չափազանցության, կարելի է անվանել մայրաքաղաքի դեմքը, որտեղ հանգրվանում են նախագահներ, բարձրաստիճան եւ բարձրաշխարհիկ հյուրեր: Հերթով խորտակվում են հեղափոխության անուրջները եւ հեքիաթները ներդրումների հոսքի մասին՝ եթե «մերժեք Սերժին»: Համաձայն ներկայացվող փաստաթղթի՝ (տե՛ս ArmLur.am կայքում) «Ալեքսանդր հոթել» ՍՊԸ-ի՝ 2023 թվականի շահույթը 83.9 միլիոն դրամ է, դրա նախորդ տարում 697.6 միլիոն դրամ է եղել: Հիշեցնենք՝ «Ալեքսանդր» հյուրանոցը պատկանում է «Մոնարխ» ընկերությանը, որի սեփականատերն է Ռուսաստանում բնակվող հայ գործարար, մեծահարուստ Սերգեյ Համբարձումյանը:



ԱԺ նախագահ Ալեն Սիմոնյանն իր խոսքում բազմաթիվ անգամներ թիրախավորել է կին գործիչներին եւ կիրառել է անթույլատրելի որակումներ, որոնք պարունակում են սեքսիզմի ակնհայտ դրսևորումներ: Այսինքն՝ վերջինս քննադատում է կին ընդդիմադիր գործիչներին՝ հատուկ թիրախավորելով կամ ակնարկելով նրանց սեռական պատկանելությունը: Խոսենք փաստերով: Նախ, երեկ նա տգեղ բառապաշարով վիրավորեց Արցախի ԱԺ պատգամավոր Մետաքսե Հակոբյանին: Երբ Եռաբլուրից հեռանալիս Մետաքսե Հակոբյանը ԶՊ-ականների ուղղությամբ բացականչեց՝ «Հարգանքի տուրքը ստացվեց, էլի. մադասպաններ», Ալեն Սիմոնյանն իրեն բնորոշ սանձարձակ պահվածքով արձագանքեց արցախցի պատգամավորին՝ «Զիբիլի վրայի կատվին տարե՞ք էստեղից»: Եվ սա առաջին անգամը չէ, որ նա նման պահվածք է ցուցաբերում կին գործիչների նկատմամբ: Դեռ նախորդ տարի՝ ԱԺ նիստերից մեկի ժամանակ, հենց նախագահությունից Ալեն Սիմոնյանը ԱԺ նախագահին անհարիր բառերի մի շարան էր հնչեցրել «Պատիվ ունեն» խմբակցության պատգամավոր Աննա Մկրտչյանի հասցեին: Ուղղիմադիր կին պատգամավորի սուր ելույթին Ալեն Սիմոնյանը արձագանքել էր՝ «Տխմարը դու ես, այ՛ չինական...»: Իսկ երբ Աննա Մկրտչյանը, ի պատասխան Ալեն Սիմոնյանի վիրավորանքների, հեզնեց, թե կարող է անվտանգության աշխատակիցների կանչել, Սիմոնյանն արձագանքել էր՝ «...Որ գրկի»: ՌԴ ԱԳՆ խոսնակ Մարիա Զախարովան եւս անմասն չէր մնացել Ալեն Սիմոնյանի թիրախավորումներից: Հայաստանի ԱԺ նախագահ Ալեն Սիմոնյանը Զախարովային անվանել էր «ինչ-որ քարտուղարուհի»: «Զեմ պատրաստվում պատասխանել ինչ-որ գերատեսչության քարտուղարուհու, կարծում եմ դա իմ մակարդակը չէ», - ասել էր Սիմոնյանը: Այսինքն՝ Ալեն Սիմոնյանը, ով վերամբարձ խոսում է հանդուրժողականության մասին, իր խոսքում նպատակադրված թիրախավորում է կին ընդդիմադիր գործիչներին՝ ովքեր ԶՊ-ական չեն եւ քննադատում են իշխանություններին:



ԶՐՈՒՅՑ

ԱՐՑԱԽԻԸ ՎԱՂ ԹԵ ՌԻՇ ՊԵՏՔ Է ԼԻՆԻ ՀԱՅԿԱԿԱՆ

Երեկ լրացավ Արցախի դեմ Ադրբեջանի հարձակման եւ Արցախյան 44-օրյա ռազմաքաղաքական մեկնարկի 4-րդ տարեկիցը:

Այդ կապակցությամբ «Եռաբլուր» զինվորական պանթեոն էին այցելել 33 նախագահ Կահագն Խաչատրյանը, Աժ նախագահ Ալեն Սիմոնյանը, փոխվարչապետ Միտր Գրիգորյանը, ՊՆ նախարար Սուրեն Պապիկյանը, Գլխավոր շտաբի պետ Էդվարդ Ասրյանը, բազմաթիվ զինվորականներ, նախարարներ ու ԶՊ-ական պատգամավորներ:

Այնտեղ էին նաեւ Արցախի նախագահ Սամվել Շահրամանյանը, Աժ նախագահի պարտականությունները կատարող Գագիկ Բաղունցը եւ այլ պատգամավորներ:

«Ժողովուրդ» օրաթերթը «Եռաբլուր» զինվորական պանթեոնում գրուցել է Աժ նախագահի պարտականությունները կատարող Գագիկ Բաղունցի հետ:

«Պարոն Բաղունց, 44-օրյա պատերազմի մեկնարկից արդեն չորս տարի է անցել եւ Հայաստանի Հանրապետության իշխանությունները Արցախի հարցը փակված են համարում: Նիկոլ Փաշինյանն ասում է, որ արցախցիների հետ վերադարձն իրատեսական չէ, հակառակ, որ տեսնում ենք, որ միջազգային տարբեր կազմակերպություններ, պետություններ, այդ թվում՝ Ամերիկայի Միացյալ Նահանգները, շեշտում են, որ արցախի ժողովրդի հայրենիք վերադարձը կարելի է: Ինչ դիտարկումներ ունեն այս մասով Հայաստանի Հանրապետության իշխանությունների վարած քաղաքականության վերաբերյալ:

Արցախի ժողովուրդը եւ Արցախի ընտրված իշխանությունները, արցախահայության ներկայացուցիչները հստակ են իրենց վճռականության հարցում: Ինչքան էլ տարբեր քաղաքական ուժեր եւ իշխանություններ փորձեն պնդել, որ Արցախի հարցն այլեւս գոյություն չունի ու Արցախի էջը փակված է, դա դժվար թե ազդի մեր տրամադրվածության, ցանկության եւ կամքի վրա՝ մեր



պատմական հայրենիք հավաքական վերադարձի հարցում:

Նկատի առնելով բոլոր սպառնալիքները՝ թե՛ արտաքին, եւ թե՛ ներքին, այնուամենայնիվ, առավել եւս նման օրերին, մեր վճռականությունն ենք արտահայտում եւ անելու ենք ամեն բան՝ վաղ, թե ուշ մեր պատմական հայրենիք հավաքական վերադարձի համար: Արցախը պետք է հայկական լինի:

«Պարոն Բաղունց, եթե միայն Հայաստանի Հանրապետության իշխանություններն ունեն պաշտոնապես միջազգային հարթակներում բանակցություններ վարելու մանդատ, սակայն խուսափում են անգամ Արցախ բառը հնչեցնելուց եւ ասում են Լեռնային Ղարաբաղ, ապա ինչպես եք վերադարձը հնարավոր համարում:

«Ժողովրդի կամքը ամենաբարձր մակարդակի մանդատն է, իսկ արցախահայությունն ամբողջությամբ տրամադրված է իր

պատմական հայրենիք վերադառնալուն: Այլ մանդատ եւ չգիտեմ, որը առավել է դրանից:

«Այսօր նաեւ Արցախի ռազմաքաղաքական ղեկավարությունն է Բաքվի բանտերում գտնվում: Բազում Նշում է, որ նրանց վերադարձնելու որոշում պարտավորություն չունի, իսկ Նիկոլ Փաշինյանն իր վերջին ասուլիսի ընթացքում Նշում էր, թե հարց է ուլ է Ռուբեն Վարդանյանի ուղարկել Արցախ եւ առհասարակ գերիների վերադարձի հետ կապված որոշումներ չի արտահայտում:

Հստակ եւ ընդգծված է, որ նման մտադրություն չկա Հայաստանի Հանրապետության իշխանությունների կողմից: Այնուամենայնիվ, մենք մեր բոլոր հնարավորություններն օգտագործում ենք, որ այդ հարցն օրակարգում մնա եւ ապօրինի պահվող ռազմաքաղաքական ղեկավարությունն ու մեծ թվով ռազմագերիներ հնարավորինս շուտ վերադառնան իրենց հայրենիք:

Չորեքշաբթի ԶՐՈՒՅՑ ԱՄՈՒՆԵՐԱՆԸ

Ո՞Ր 3 ԿԵՏԵՐԸ ՀԱՄԱՁԱՅՆԵՑՎԱԾ ՉԵՆ

44-օրյա պատերազմի 4-րդ տարեկիցին ադրբեջանական լրատվամիջոցները ներկայացրել են եռակողմ կապիտուլացիոն համաձայնագրի կետերին՝ ընդգծելով, թե որ կետերի շուրջ են բանակցություններն անավարտ:

«Սկզբում Ադրբեջանի եւ Հայաստանի միջեւ հաշտության պայմանագրի տարբերակում կար 33 կետ, հետո՝ 30, հետո բանակցություններից հետո՝ 17, հետո Ադրբեջանը հրաժարվեց Ջանգեզուրի միջանցքի հետ կապված կետից եւ ընդհանուր միավորը դարձավ 16: Դրանցից 13-ը համաձայնեցված են, իսկ 3-ը՝ ոչ: Հայկական կողմի մերժած այս 3 կետերն են, որ հիմք են հանդիսանում Հայաստանի եւ Ադրբեջանի միջեւ կայուն խաղաղության եւ համապարփակ երկկողմ հարաբերությունների համար:

Փաստն այն է, որ կետերից առաջինը վերաբերում է անվտանգության խնդիրներին, երկրորդը՝ Հայաստանի սահմանադրությանը, այսինքն՝ հայկական պետականության իրավական ասպեկտներին, որտեղ իրականում առկա է ապագայում խաղաղության պայմանագիրը չեղյալ հայտարարելու սպառնալիք, եւ երրորդը՝ ԵԱՀԿ Մինսկի խմբում լինելը: Այս կետերը նախագծից ուղղակի բացառելը շատ անլուրջ քայլ էր, քանի որ Համաձայնեցված բոլոր կետերից միայն այս երեքն են Բաքվի համար սկզբունքային Նշանակություն, այդ մասին մշտապես ասել է Ադրբեջանի նախագահը»,- գրում են ադրբեջանական ԶԼՄ-ները:

4 ՏԱՐԻ ԱՆՑ ԳԵՌ ԶՈՂԵՐԻ

ԱՆՈՒՆՆԵՐԸ ՀՐԱՊԱՐԱՆՎԱԾ ՉԵՆ

ՀՀ Աժ պատգամավոր, Մարդու իրավունքների պաշտպանության հանձնաժողովի նախագահի պաշտոնից ապօրինաբար հեռացված, անկուսակցական պատգամավոր Թագուհի Թովմասյանը սոցցանցի իր էջում գրում է. «4 տարի առաջ հենց այս օրը Ադրբեջանը սանձազերծեց իր ագրեսիան Արցախի Հանրապետության դեմ:

Պատերազմ, որի արդյունքում մեր ժողովուրդը կրեց անդառնալի մարդկային եւ տարածքային կորուստներ (4000-ից ավելի զոհ ու տասնյակ հազար քառակուսի կիլոմետր կազմած տարածքային կորուստ):

Այս պատերազմը ցույց տվեց Նիկոլ Փաշինյանի իշխանության ապիկարությունն ու ձախողված դիվանագիտությունը:

4 տարի անց մենք դեռ ապրում ենք հետեւանքներով՝ առանց համոզիչ գործողությունների, պատասխանատուներին պատժելու եւ մեր երկրի անվտանգությունն ու ապագան երաշխավորելու ուղղությամբ:

4 տարի անց դեռ պաշտոնապես հրապարակված չեն զոհվածների անունները:

4 տարի անց անհետ կորածների եւ զոհերի աճյունների որոնողական աշխատանքները դադարեցված են:

4 տարի անց դեռ 8 տասնյակից ավելի մասունքներ դիտարկվում են...

Բայց կարելու է թուրքի համար «ապագա կա»»:

ԲԱԳՐԱՏ ՍՐԲԱԶԱՆ

«ՉԵՄ ՆԵՐԵԼՈՒ ՀԱՆՈՒՆ ԱՐՑԱԽԻ»

«Չեմ մտառապու հանուն Հայաստանի, չեմ ներքեցու հանուն Արցախի», այս մասին 44-օրյա ռազմաքաղաքական մեկնարկի կաղաքականության իր ուղերձում ասել է Բագրատ Սրբազանը:

«4 տարի առաջ այսօրը՝ սեպտեմբերի 27-ին, Ադրբեջանը Թուրքիայի հովանավորությամբ ու աջակցությամբ սանձազերծեց հերթական պատերազմը:

Այս պահին եւ արդեն եւ մեր նահատակ որդիների ու դուստրերի հոգիների խաղաղության համար եւ խոնարհումն նրանց ու նրանց ընտանիքների առջեւ: 2020 թվականին հայրենական մեծ պատերազմում մարտի էլան հայոց քաջարի գեղերը՝ առանց կասկած ունենալու, որ պատերազմի էլան արդեն իսկ կանխորոշված էր, քանզի պատերազմի առաջին օրն իսկ ՀՀ վարչապետի աթոռը զբաղեցնողը հայտարարեց՝ եկեք պայմանավորվենք, որ ինչ էլ լինի, մենք մեզ պարտված չենք համարելու: Ասաց եւ արեց: Պետությանը պարտության մատնելով՝ ինքն իրեն անպարտ կարգելով: Միջազգային իրավունքով արգելված զենքերի կիրառմամբ, ահաբեկիչների ներգրավումով, անարդար կազմակերպություններով եւ մարդասիրական իրավունքի հանրաճանաչ չափանիշները խախտելով Բաքվին հաջողվեց գրավել Արցախի զգալի մասը: Միջազգային հանրությունը, չհաշված առանձին

բացառություններ, լուր հետեւում էր կատարվողին: 44-օրյա պատերազմի պայմանական ավարտով եւ ստորագրված Նոյեմբերի 9-ի ամիթի եւ խայտառակության հայտարարությամբ, ցավոք, իրական պատերազմը չի դադարել: Մենք դրա շարունակության դրսեւորումները տեսանք Հայաստանի ինքնիշխան տարածքների նկատմամբ զավթիչ գործողություններով, Արցախի շրջափակմամբ, 2023 թվականի սեպտեմբերի 19-ի պատերազմով ու դրան հաջորդած Արցախի հայաթափմամբ: Դժբախտաբար, հայության դեմ սանձազերծված թուրք-ադրբեջանական ագրեսիան, օգտվելով անպատժելիության եւ ամենաթողության մթնոլորտից, իր ամենատարբեր դրսեւորումներով շարունակվում է նաեւ այսօր՝ չնայած խաղաղության մասին պարբերաբար հնչող թեզերին ու խոսքերին:

Առ այսօր Ադրբեջանը հրաժարվում է վերադարձնել մեր գերիներին եւ Արցախի պատանդառված ռազմաքաղաքական ղեկավարությանը: 44 օր տեսած պատերազմի, դրան նախորդող փուլի, պատերազմի ընթացքում, ապա նաեւ հաջորդող շրջանում Հայաստանի իշխանությունների արած քայլերի, ընդունած որոշումների, ձեռք բերած պայմանավորվածությունների ու դրանց հետեւանքների իրական գնահատականը կտա վաղվա Հայաստանը՝ խորը եւ անաչառ իրավական քննության արդյունքում, բոլոր մեղավորներ

ին օրենքի ողջ խստությամբ պատժելու ճանապարհով: Սակայն այսօր իսկ արդեն միանշանակ եւ առավել քան հիմնավոր կարելի է փաստել, որ այս իշխանությունը չի իրականացրել անվտանգության ապահովման իր գործառնությունը՝ ոչ պատերազմից առաջ, ոչ պատերազմի ընթացքում, եւ ոչ էլ դրանից հետո: Ամբողջությամբ ձախողել է եւ անվտանգային, եւ արտաքին քաղաքականությունը:

Վաղվա Հայաստանը կտա նաեւ իրական խաղաղության օրակարգը, որը որեւէ կերպ այսօրվա պարտված իշխանությունների քարոզած ամեն գնով մութացիլ խաղաղությունը չէ, այլ հավասարակշռության վրա կառուցված խաղաղություն է, որը կլինի արդար, կայուն եւ երկարաժամկետ:

Հետեւաբար, քանի դեռ Հայաստանում շարունակում են իշխանության մնալ ամեն ինչ զիջելու պատրաստ, պարտված ու անզամ մարդասիրական խնդիրները, գերիների վերադարձի հարցը բարձրաձայնելու, լուծելու կարողությունն չունեցող իշխանությունները, քանի դեռ իշխանությունը գավթել են ՀՀ-ի ազգային, պետական շահերի հետ ոչ մի արձեղություն չունեցողները, 2020 թվականի սեպտեմբերի 27-ին սկսված աղետը շարունակվում է շարունակվելու է իր տարաբնույթ դրսեւորումներով:

Շարունակությունը ArmLur.am կայքում:

ԻՐԱՎԻՃԱԿ

1 ՏԱՐԻ՝ ԲԱՔԿԻ ԲԱՆՏՈՒՄ

ՄԵԿ ՏԱՐԻ ԱՌԱՋ ԶԵՐԲԱԿԱԼՎԵՑ ՌՈՒԲԵՆ ՎԱՐԴԱՆՅԱՆԸ

ԶԵՆՔԻ ՄԱՏԱԿԱՐԱՐՄԱՆ ԳԱԳԱՐԵՑՄԱՆ ԿՈՉ

Պաղեստինի նախագահ Մահմուդ Աբասը, Ելույթ ունենալով Նյու Յորքում ՄԱԿ-ի Գլխավոր ասամբլեայի ամբիոնից, կոչ է արել դադարեցնել զենքի մատակարարումները Իսրայելին և պատժամիջոցներ սահմանել նրա դեմ Գազայի հատվածում գործողությունների համար:

«Դադարեցրեք ցեղասպանությունը, դադարեցրեք զենք մատակարարել Իսրայելին: Այս խելագարությունը չի կարող շարունակվել»,- ասել է նա Գլխավոր ասամբլեայի 79-րդ նստաշրջանի ընդհանուր քաղաքական քննարկման ժամանակ:

Այնուհետև նա հավելել է. «Ամբողջ աշխարհը պատասխանատու է այն ամենի համար, ինչ կատարվում է մեր ժողովրդի հետ Գազայում և Զորդանան գետի Արեմոնյան ավազանում: Եթե Իսրայելը կարծում է, որ կարող է խուսափել պատասխանատվությունից և պատժից այս հանցագործությունների համար, ապա նա սխալվում է»:

Նա համոզվում էր, որ «Իսրայելից զինվորականների կողմից պաղեստինյան ժողովրդի դեմ կատարված հանցագործություններն անպատիժ չեն մնա»:

ՄԻՋՈՒԿԱՅԻՆ ԶԵՆՔ

Բելառուսի նախագահ Ալեքսանդր Լուկաշենկոն բացատրել է, թե որ դեպքում կարող է միջուկային զենք օգտագործվել Բելառուսի և Ռուսաստանի պաշտպանության համար:

«Ես ֆորումում ասացի, որ Բելառուսի վրա հարձակումը կվերածվի երրորդ համաշխարհային պատերազմի: Պոտիլը վերջերս հաստատեց դա՛ փոփոխելով միջուկային դոկտրինը և ամրագրելով, որ Ռուսաստանի և Բելառուսի վրա հարձակման դեպքում, մենք միջուկային զենք ենք օգտագործելու: Նա հաստատեց իմ խոսքերը, սա էր իմ հայտարարության էությունը:

Հենց հարձակվեն, մենք միջուկային զենք ենք օգտագործելու, Ռուսաստանը ես խառնվելու է մեզ համար: Եթե օգտագործենք միջուկային զենք, մեզ կարող են պատասխանել, կարող են նաև ՌԴ-ին հարվածել, իսկ այդ դեպքում ՌԴ-ն կօգտագործի իր ողջ զինաւոնգը: Իսկ սա արդեն համաշխարհային պատերազմ է»,- ասել է Բելառուսի նախագահը:

ՎՐԱՏՏԱՆԸ ԿՎԵՐԱՆԱՅԻ ԱՄՆ-Ի ՀԵՏ ՀԱՐԱՔԵՐՈՒԹՅՈՒՆՆԵՐԸ

Վրաստանը կվերանայի ԱՄՆ-ի հետ իր հարաբերությունները, եթե Վաշինգտոնը չփոխի իր քաղաքականությունը Թբիլիսիի նկատմամբ: Այս մասին, ՏԱՍՍ-ի փոխանցմամբ, լրագրողներին հայտարարել է Վրաստանի վարչապետ Իրակլի Կոբախիձեն:

«Մենք ասում ենք, որ հարաբերությունները (Վրաստանը և ԱՄՆ-ը) չպետք է այսպես շարունակվեն, այլապես մենք ստիպված կլինենք վերանայել գոյություն ունեցող ստատուս քվոն: Սա մեր հստակ դիրքորոշումն է: Ամեն ինչ կախված է ամերիկյան կողմից», - ասել է Կոբախիձեն:

Երեկ լրացավ է մեկ տարին, ինչ Ադրբեջանի իշխանությունները կամայականորեն կալանավորեցին հայկերեն գործարար և մարդասեր Ռուբեն Վարդանյանին: Նրա ձերբակալությանը հաջորդեցին արցախյան մյուս գործիչների՝ Արցախի Հանրապետության նախկին նախագահներ Արկայի Գուկասյանի, Բակո Մահալյանի, Արայիկ Հարությունյանի, Աժ նախագահ Գավիթ Իշխանյանի, նախկին արզոնոնախարար Գավիթ Բարսեղյանի, Արցախի Պաշտպանության բանակի նախկին հրամանատար Լեոն Մնացականյանի, հրամանատարի նախկին տեղակալ Գավիթ Մանուկյանի ձերբակալությունները:

«Հորս կամայական ազատագրվումը՝ առանց որեւէ ապացույցի կամ արդար դատաքննության, միջազգային բոլոր նորմերի և օրենքների բացահայտ խախտում է», - ասել է Ռուբեն Վարդանյանի որդին՝ Դավիթ Վարդանյանը:

-Մենք կոչ ենք անում միջազգային հանրությանն ակտիվացնել ջանքերը՝ ապահովելու նրա անհապաղ և անվերապահ ազատ արձակումը՝ Ադրբեջանում անօրինաբար կալանավորված մյուս հայ ղեկավարների հետ միասին»:

Չնայած Եվրախորհրդարանի, Ֆրանսիայի Սենատի, Մեծ Բրիտանիայի Համայնքների պալատի և Լորդերի պալատի, ԱՄՆ-ի Կոնգրեսի ղեկավարների, գործարար աշխարհի և համայնքային առաջնորդների՝ հայ բանտարկյալներին ազատ արձակելու մասին բազմաթիվ կոչերին, Ռուբեն Վարդանյանը շարունակում է մնալ նախկին կալանքի տակ՝ առանց անգամ դատավարության օրվա Նշանակման կամ նրա նկատմամբ պաշտոնապես մեղադրանքի առաջադրման:

«Մեկ տարի կալանքի տակ պահելն առանց դատավարության կամ կոնկրետ ապացույցների՝ վկայում է այս գործի քաղաքական բնույթը,- նկատել է Վարդանյանը ընտանիքի միջազգային իրավապաշտպան Զարեհ Գեևսերը:

ՕՐՎԱ ԽՃԱՆԿԱՐ

ՄԵԿՆԱԲԱՆՈՒՄ Է ՓՈԽՎԱՐՉԱՊԵՏՐ

«Սահմանազատման հաջորդ էտապի վերաբերյալ դեռ որոշում չկա»,- այս մասին Եռաբլուրում լրագրողների հետ զրույցում ասել է ՀՀ փոխվարչապետ Մհեր Գրիգորյանը:

«Դեռ պետք է ավարտենք կանոնակարգի հետ կապված ներպետական ընթացակարգերը»,- ասաց նա:

Գրիգորյանի խոսքով՝ սահմանազատման գործընթացն իրականացնելու շուրջ պայմանավորվածության հիմնական նպատակը այն է, որ բոլոր խնդիրները հանգիստ, ֆունկցիոնալ և իրավական լուծում ստանան:

Խոսելով հայ-ռուսական հարաբերությունների մասին՝ նա նշեց՝ կան պրոբլեմներ:

«Բայց, կարծում եմ, մենք պետք է հավասարակշռենք ու փորձենք բոլոր խնդիրները վերացնել»,- ասաց նա:

Փոխվարչապետի խոսքով՝ աշխարհում իրավիճակը բավականին բարդ է, տարածաշրջանում առավել էս:

«Ըստ այդմ, իհարկե, առաջանում են բազմաթիվ խնդիրներ, որոնք բացատրությունները լիարժեք տրված չեն, կարծում եմ՝ պետք է փորձել բացատրությունները



- Ադրբեջանը պետք է հարգի Քաղաքացիական և քաղաքական իրավունքների միջազգային դաշնագրով ստանձնած պարտավորությունները և անհապաղ ազատ արձակի Ռուբեն Վարդանյանին»:

Վարդանյանը կարճ ժամանակով զբաղեցրել է Լեռնային Ղարաբաղի պետական արարի պաշտոնը և խիստ քննադատության է ենթարկել Ադրբեջանին՝ ացախահայության նկատմամբ դաժան վերաբերմունքի և միջազգային իրավունքի խախտումների համար:

COP29-ը հյուրընկալելու հետ կապված՝ Ադրբեջանում մարդու իրավունքների վիճակի վատթարացման հարցերը գտնվում են միջազգային ուշադրության կենտրոնում: Նոյեմբերին անցկացվելիք համաժողովից առաջ Ադրբեջանը կոչ է արել «համաշխարհային զինադադար» հաստատել և դադարեցնել ընթացիկ բոլոր հակամարտությունները, ինչը քննադատվել է՝ հաշվի առնելով Ադրբեջանում ազատագրված անձանց աճող թիվը և մարդու իրավունքների հարցերով միջազգային իրավունքի շարունակական խախտումները:

Շատ իրավապաշտպան կազմակերպություններ, այդ թվում Freedom House-ը,

պնդում են, որ Ադրբեջանի գործողությունները Լեռնային Ղարաբաղում էթնիկ գտումներ էին, և էթնիկ հայերը «դիտավորյալ կերպով ենթարկվել են կանոնավոր հարձակումների, ահաբեկման, զրկվել են հիմնարար իրավունքներից և համապատասխան կենսապայմաններից, ինչպես նաև Ադրբեջանի կողմից ենթարկվել են բռնի տեղահանման»:

Միջազգային քրեական դատարանի նախկին դատախազ Լուիս Մորենո Օլամպոն ես, ի թիվս այլոց, հաստատում է, որ Ադրբեջանի գործողությունները համապատասխանում են «ցեղասպանություն» ոճրագործությանը:

2017 թվականից ի վեր Ադրբեջանը հետևողականորեն զիջում է իր դիրքերը Freedom House-ի «Ազատությունն աշխարհում» զեկույցում՝ ներկայումս 100 միավորից ունենալով ընդամենը 7-ը: Կոռուպցիայի ընկալման ինդեքսում էլ «Թրանսփարենսի Ինթերնեշնլ» կազմակերպությունը 180 երկրների մեջ Ադրբեջանին հատկացրել է 154-րդ տեղը՝ հաշվի առնելով համատարած կոռուպցիայի մակարդակը, մրցակից քաղաքական գործիչների նկատմամբ ճնշումներն ու քաղաքացիական ակտիվության սահմանափակումները:

հասկանալի ու ճիշտ որոշումներ կայացնել»,- նշեց փոխվարչապետը:

«ԵՄ ԳՆԱԼՈՒ ԵՄ ՄՅՈՒՌՈՒՆՕՐՇՆԵՔԻՆ» ՄԵՅՐԱՆ ՕՐԱՆՅԱՆ

Պատերազմից 4 տարի է անցել ու այս 4 տարվա ընթացքում ընդդիմությունը պայքարել է ու պայքարի գործիքակազմը տարբեր է եղել: Այս մասին «Եռաբլուր» զինվորական պանթեոնում ասաց «Հայաստան» խմբակցության ղեկավար Սեյրան Օհանյանը:

«Մենք պայքարել ենք ԱԺ-ից դուրս, այն արտահայտվել է մի քանի շարժումներում, բոլոր տեղերում էլ կարծում եմ փորձել ենք զենքացնել մեր ժողովրդի գիտակցից հատկապես մի մասին, որը պետք է թույլ չտա, որպեսզի Արցախը հայաթափվի, իսկ ՀՀ-ն՝ գահավիժի»,- ասաց նա:

Սեյրան Օհանյանի խոսքով՝ անհրաժեշտ է ուժերի ավելի լայն գեներացում:

Լրագրողի հարցին՝ մասնակցելու են Մյուռնոսիսից արարողությանը՝ հաշվի առնելով, որ իշխանական վերանախավը նույնպես մասնակցելու է, Օհանյանն ասաց. «Մյուռնոսիսից են և ու էլի մի քանի պատգամավոր մեր խմբակցությունից, իրավեր ստացել ենք ու կմասնակցենք: Մենք միաժամանակ տարբեր միջոցա-

ռումների ենք գտնվել, ինչու պետք է ես կաշկանդվեմ Մյուռնոսիսից գնալուց, իշխանությունը լինի, ես չլինեմ, թող իրենք չլինեն, ես իմ պարտքը կատարելու եմ ու գնալու եմ»:

ԱԼԵՆ ՄԻՄՈՆՅԱՆԸ ՎԻՐԱՎՈՐՈՒՄ Է ԱՐՑԱՄԻ ՊԱՏԳԱՄԱՎՈՐԻՆ

Երեկ լրացել է Արցախի դեմ Ադրբեջանի հարձակման 4-րդ տարեկիցը:

Առավոտյան «Եռաբլուր» զինվորական պանթեոն են այցելել ՀՀ նախագահ Վահագն Խաչատրյանը, ԱԺ նախագահ Ալեն Սիմոնյանը, փոխվարչապետ Մհեր Գրիգորյանը, ՊՆ նախարար Սուրեն Պապիկյանը, Գլխավոր շտաբի պետ Էդվարդ Ասրյանը, բազմաթիվ զինվորականներ,, նախարարներ ու ԶՊ-ական պատգամավորներ: Քիչ առաջ Ալեն Սիմոնյանի և Արցախի պատգամավոր Մետաքսե Հակոբյանի միջև քիզարում եղավ, որի ժամանակ Ալեն Սիմոնյանը վիրավորեց Արցախի պատգամավորին:

«Ջիբիլի վրայի կատվին տարեք այստեղից», - ասել է Ազգային ժողովի նախագահ Ալեն Սիմոնյանը:

ՄԻԵԴ-Ը ԿՃԻՌ Է ԿԱՅԱՑՐԵԼ

ՄԻՔԱՅԵԼՅԱՆՆ ԸՆԴԴԵՄ ՂԱՅԱՍՏԱՆԻ ԳՈՐԾՈՎ

Մարդու իրավունքների եվրոպական դատարանը Հայաստանին դատապարտել է վճարել 2.000 եվրո: Գատարանը գտնում է, որ Հայաստանի ներքինական դատարանները չեն ունեցել համադաստիսան եւ բավարար դատառանձնեք Մի-բայելյանին կալանքի սակ դաիելու համար:

2016թ.-ին «Սասնա ծռեր» խմբավորման կողմից զինված ապստամբությանը հա-ջորդեցին ցույցեր, երթեր եւ հավաքներ Երեւան քաղաքի մի շարք փողոցներում: Գազիկ Միքայելյանը, ով այդ ժամանակ աշխատում էր Երեւանի դպրոցներից մե-կում որպես ուսուցիչ, հազարավոր ան-ձանց նման իրացրել է հավաքներին մաս-նակցելու իր իրավունքը: Հուլիսի 20-ին ՀՀ ոստիկանության աշխատակիցների կող-մից Գ. Միքայելյանը ձերբակալվել է եւ տարվել ոստիկանության բաժանմունք: Ապա վերջինիս մեղադրանք է առաջարկ-վել այդ ժամանակ ցույցերը եւ ցանցարար-ներին ցրելու նպատակով կիրառվող հայտնի «զանգվածային անկարգություն-ներին մասնակցելը» հանցակազմով:

2016թ-ից ՀԶԱՎ գրասենյակի փաստա-բան Անի Չատինյանը ստանձնել է Միքա-յելյանի իրավունքների պաշտպանությունը: Իրավունքների պաշտպանությունը ներառել է ինչպես մեղադրանքի շուրջ Միքայելյանին պաշտպանելը ներառա-կան դատարաններում, այնպես էլ կալա-նավորման իրավաչափությունը վիճարկե-լը եւ՝ ներպետական դատարաններում, եւ՝ Մարդու իրավունքների Եվրոպական դա-տարանում: ՄԻԵԴ-ը վերահաստատել է, որ ըստ Կոնվենցիայի 5-րդ հոդվածի 3-րդ կետի հաստատված նախադեպային իրա-վունքի, կալանավորման օրինականու-թյունը հիմնավորող պայմանն այն է, որ ձերբակալված անձի նկատմամբ առկա լինի հանցագործության կատարման ող-ջամիտ կասկած, սակայն որոշակի ժա-մանակահատված անց այն այլևս բավա-րար չէ: Նման դեպքերում Դատարանը պետք է պարզի, թե արդյոք դատական մարմինների կողմից ներկայացված այլ հիմքերը շարունակում էին արդարացել ազատությունից զրկելը: Երբ նման հիմ-



քերը «համապատասխան» եւ «բավա-րար» են, Դատարանը նաեւ պետք է պար-զի, թե արդյոք պետական մարմինները «հատուկ ջանասիրություն» են ցուցաբե-րել դատական վարույթների ընթացքում: ՄԻԵԴ-ը նաեւ արձանագրել է, որ կալան-քի ցանկացած ժամկետի հիմնավորումը, որքան էլ որ կարճ լինի, պետք է հիմնա-վոր կերպով ապացուցվի պետական մար-մինների կողմից: Որոշելիս՝ արդյոք անձը պետք է ազատ արձակվի կամ մնա կա-լանքի տակ, պետական մարմինները պարտավոր են դիտարկել նաեւ այլընտ-րանքային միջոցառումներ՝ ապահովելու տվյալ անձի ներկայությունը դատարա-նում: Դատական ծառայողի՝ կալանավոր-ման համար «համապատասխան» եւ «բա-վարար» պատճառաբանելու պահանջը, ի լրումն ողջամիտ կասկածի, կիրառվում է արդեն իսկ կալանավորումը նշանակելու մասին առաջին որոշման ժամանակ, այ-սինքն՝ «անմիջապես»՝ ձերբակալությու-նից հետո: Հետեւաբար, ՀԶԱՎ բողոքը ըն-

դունելի է եւ բացահայտում է Կոնվենցիա-յի 5-րդ հոդվածի 3-րդ կետի խախտում: 2024թ.-ի սեպտեմբերի 26-ին ՄԻԵԴ-ը Միքայելյանն ընդդեմ ՀՀ -ի որոշում է հրապարակել, որով արձանագրել է՝ Հա-յաստանի ներպետական դատարանները չեն ունեցել համապատասխան եւ բավա-րար պատճառներ Միքայելյանին կալան-քի տակ պահելու համար եւ փոխհատու-ցում է սահմանել 2.000 եվրո: Չատինյանը նշում է, որ Հայաստանի Հանրապետության դեմ ինչպես կոնվեն-ցիայով նախատեսված մնացած հիմնա-րար իրավունքների խախտումների գոր-ծերը, այնպես էլ 5-րդ հոդվածի խախտ-ման փաստը ճանաչելու տեսանկյունից շատ կարեւոր է նմանատիպ վճիռների հայտարարությունը, քանի որ ՀՀ-ում մշ-տապես որպես խափանման միջոց ընտր-վում է կալանավորումը եւ հատկապես ցույցերի, երթերի, խաղաղ հավաքների ընթացքում կիրառվում է որպես պատժիչ միջոց:

ԼՈՒՐԵՐ

ԱՐԱՋԱՆԳ ԵՂԵՂ Է

Համացանցում տեղեկություններ են տարածվում իբր Մալաթիա-Սեբաստի-ա վարչական շրջանում ինչ-որ մեկը դպրոցների մոտ երեխաներին նստեց-նում է ավտոմեքենան եւ առեւանգում: Հրապարակումներում նաեւ նշվում է, թե բազմաթիվ ծնողներ այս հարցով ահազանգել են ոստիկանություն:

Տեղեկացնում ենք, որ նշված բովան-դակությամբ ահազանգ կամ հաղոր-դում ՆԳՆ ոստիկանության օպերատիվ կառավարման կենտրոնում կամ Մալա-թիայի բաժնում չի ստացվել:

Ոստիկանության Մալաթիայի բաժնի քրեական հետախուզության բաժան-մունքում տեղեկություն է ստացվել, որ սեպտեմբերի 25-ին Մազմանյան փողո-ցի բնակիչ 57-ամյա մի տղամարդ «Մեր-սեղես» մակնիշի ավտոմեքենայով Շր-ջանային փողոցում փորձել է առեւան-գել երկու անչափահասի:

Նախաձեռնված քրեական վարույթի շրջանակներում տղամարդը հայտնա-բերվել, ձերբակալվել եւ կազմված փաստաթղթերով ներկայացվել է քնն-չական բաժին: Ավտոմեքենան տեղա-փոխվել է բաժնի պահպանվող հատուկ տարածք:

17 ՄԼՐԳ ՀՀ ԳՐԱՄԻ ՄՏՎԵՐԱՅԻՆ ԵՐՋԱՆԱՌՈՒԹՅՈՒՆ

ՊԵԿ հետաքննության եւ օպերատիվ հետախուզության վարչությունը, ժա-մանակակից տեղեկատվական տեխնո-լոգիաների կիրառմամբ, հարկերը վճա-րելուց խուսափելու դեպքերը բացա-հայտելու նպատակով՝ 2024 թվականի հուլիս-սեպտեմբեր ամիսների ընթաց-քում ձեռնարկել է 97 օպերատիվ-հե-տախուզական միջոցառում:

Օպերատիվ-հետախուզական միջո-ցառումները, հատկապես, ձեռնարկվել են շինանյութի, սննդամթերքի, միոգ-բանջարեղենի, հագուստի, կահույքի, տնտեսական ապրանքների, կենցաղա-յին տեխնիկայի, կոսմետիկայի, դիզե-լային վառելիքի առետրով, ինչպես նա-եւ հանրային սննդի կազմակերպմամբ ու հյուրանոցային ծառայությունների մատուցմամբ զբաղվող տնտեսավարող սուբյեկտների նկատմամբ:

Ձեռնարկված օպերատիվ-հետախու-զական միջոցառումների շրջանակում տնտեսավարող սուբյեկտների գործու-նեության հասցեներում առկա համա-կարգիչների, սերվերային համակարգե-րի եւ սկզբնական հաշվապահական հաշվառմանը վերաբերող այլ կրիչների հետազոտմամբ հայտնաբերվել է շուրջ 17.2 միլիարդ դրամի ստվերային շրջա-նառություն, իսկ թաքցված հարկի գու-մարը կազմել է շուրջ 4.4 միլիարդ դրամ, որից շուրջ 800 միլիոն դրամը տնտեսավարող սուբյեկտների կողմից արդեն իսկ վերականգնվել է պետական բյուջե:

Համապատասխան հիմքերի առկա-յության պարագայում հաղորդումներ են ներկայացվել ՀՀ քննչական կոմիտե, նախաձեռնվել են քրեական վարույթ-ներ: Ներկայում միջոցներ են ձեռնարկ-վում պետությանը պատճառված վնասի վերջնական չափը հստակեցնելու եւ այն պետական բյուջե վերականգնելու ուղղությամբ:

ՔՐԵԱԿԱՆ ՔՐՈՆԻԿՈՆ

ԽՆԴՐԵԼ Է ՀՐԱԺԱՐԱԿԱՆ ՉՏԱԼ

Արդարադատության նախարար Գրի-գոր Մինասյանը սոցցանցի իր էջում գրում է.

«Վերջին օրերին բազմաթիվ անգամ-ներ եմ խնդրել տիկին Գեորգյանին իրա-ժարական չտալ: Ցավոք, նա մերժեց իմ բոլոր խնդրանքները:

Շատ ափսոս, որ առանձին անհատների չափազանց անարդար ու մանրախնդիր հարձակումների պատճառով մեր նախա-րարությունը եւ պետական համակարգը կորցրեց իրապես արժեքավոր մասնագե-տի ու կառավարչի:

Պառլամենտարիզմի լավագույն դրսեու-րումը կլինի նման խարդավանքների հա-մար քաղաքական հասցեական պատաս-խանատվությունը»:

Հիշեցնենք, որ գրել էինք, Սիրվարդ Գեորգյանը իրաժարականի դիմում է ներկայացրել Արդարադատության նա-

խարարի տեղակալի պաշտոնից: «Մեծ ցավով ու ափսոսանքով եմ թողնում Ար-դարադատության նախարարության իրա-պես պրոֆեսիոնալ թիմը՝ նախարար Գրի-գոր Մինասյանի գլխավորությամբ: Այս համակարգում երկար տարիներ եմ աշ-խատել ու դեռ շատ անելիքներ կային: Շատ կուզեի մասնակցել այդ ամենօրյա ծանր, բայց իրապես կարեւոր աշխա-տանքին:

Նորից շնորհակալ եմ Վարչապետ Նի-կոլ Փաշինյանին, ինձ ցուցաբերված մեծ վստահության համար»,- մասնավորապես գրել է Գեորգյանը:

ՈՎՔԵՐ ԵՆ ՊԱՐԳԵՎԱՏՐՎԵԼ

«Ժողովուրդ» օրաթերթը շարունակում է հրապարակել, թե որ աղմկահարույց գործերով դատախազներն են արժանա-ցել շնորհակալագրի կամ պարգևի:

«Մարտի 1-ի» գործով մեղադրյալներ Ռոբերտ Քոչարյանի, ՊՆ նախկին նա-

խարար Սեյրան Օհանյանի, նախկին փոխվարչապետ Արմեն Գեորգյանի, ԳԾ նախկին պետ Յուրի Խաչատուրովի գոր-ծով մեղադրող դատախազ Հայկ Հով-հաննիսյանը եւս արժանացել է պարգե-ի:

Հիշեցնենք, որ Գլխավոր դատախազու-թյունը հայտնել էր, Գլխավոր դատա-խազ Աննա Վարդապետյանը շնորհավո-րել է Դատախազության աշխատակից-ներին Հայաստանի Հանրապետության անկախության հռչակման 33-րդ տարե-դարձի կապակցությամբ:

Հանդիսավոր նիստի ավարտին ՀՀ գլ-խավոր դատախազի հրամաններով՝ Հա-յաստանի Հանրապետության դատախա-զության մի շարք դատախազներին եւ Դատախազության աշխատակիցների հայտարարվել է շնորհակալություն, վերջիններս պարգևատրվել են հուշան-վեր ժամացույցով, «ՀՀ դատախազու-թյան 105-ամյակ» հոբելյանական մեդա-լով, «ՀՀ դատախազություն» կրծքան-շանով, դրամական պարգևով:

ՔՆԱՐ ՄՆՆՈՒԿՅԱՆ

● Ըստ ոստիկանության տվյալների՝ սեպտեմբերի 25-ից 26-ը ՀՀ ՆԳՆ ոստիկանության ստորաբաժա-նումների կողմից բացահայտվել է հանցագործության 78 դեպք՝ որից 2-ը նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԲՆԱՄԻՉՆԵՐԸ ԳԺԳՈՂ ԵՆ ԽՄԵԼՈՒ ԶՐԻ ՈՐԱՄԵՑ

Իջեան համայնքի Ազատամուտ գյուղը խորհրդային տարիներին բանվորական ավան էր: Ազատամուտում ներկայումս բնակվում է շուրջ 3300 մարդ: Ազատամուտի բնակիչները դժգոհ են «Վեռլիա ջուր» ընկերության կողմից մատակարարվող խմելու ջրի որակից: Ազատամուտ բնակավայրի վարչական ղեկավարի պաշտոնակատար Արտակ Զոբանյանը հայտնեց, որ գյուղը խմելու ջուր է ստանում արտեզյան 2 հորերից, մատակարարվող ջուրը լաբորատոր փորձաքննության է ենթարկվել, այն համապատասխանում է խմելու ջրին ներկայացվող պահանջներին: Ա. Զոբանյանն ասաց, որ Ազատամուտի բնակիչները նախկինում խմելու ջուր ստանում էին օրումեջ, 3 ամիս առաջ խմելու ջրամատակարարումը դարձել է ամենօրյա, հետևյալ ժամանակացույցով՝ ժամը 17:00-ից մինչև 23:00-ն:

ՄՊԱՆԳԱՆՈՑՆԵՐԻ ԾՐԱԳԻՐԸ ԶԱԽՈՂՎԵԼ Է

Նիկոլ Փաշինյանի իշխանությունը հայտարարեց, որ 2020 թվականի հուլիսի 1-ից Հայաստանում վաճառվող միսը պետք է ունենա սպանդանոցային ծագում, իրականացվեց պետական աջակցությամբ սպանդանոցների գործարկման ծրագիր: Անցել է ավելի քան 4 տարի, սակայն քիչ սպանդանոցներ են գործակվել, եղածներն էլ իրենց հզորության քիչ մասով են գործում: Սպանդանոցները գյուղերից բավական հեռու են, անասնատերերը խուսափում են մորթվող անասունները սպանդանոց տեղափոխելու ծախսերից, անասունների տեղափոխման հետ կապված դժվարություններից: Տավուշի մարզում կա 5 քաղաք, 57 գյուղ, մարզի 62 բնակավայրերից 41-ն ունի շարժական սպանդանոցային ծառայության կարիք: Տավուշի մարզպետարանը ՀՀ կառավարության 29 օգոստոսի 2024թ. թիվ 1394-Լ որոշման 4-րդ կետի 1-ին ենթակետի հանձնարարականի համաձայն՝ իրապարակել է Տավուշի մարզի այն բնակավայրերի ցանկը, որտեղ անհրաժեշտություն կա սպանդանոցային ծառայության, որոնք գտնվում են գործող սպանդանոցներից առնվազն 15 կմ հեռավորության վրա: Դրանք են Իջեան համայնք՝ Աջաջուր, Սեւքար, Սարիգյուղ, Կիրանց, Ծաղկավան, Դիտավան, Այգեհովիտ, Վազաշեն, Գանձաքար, Լուսահովիտ բնակավայրեր: Դիլիջան համայնք՝ Հաղարծին, Հովք, Աղավաճվանք, Խաչարծան բնակավայրերը: Բերդ համայնք՝ Պառավաքար, Վարագավան, Ծաղկավան, Տավուշ, Վ.Կ.Աղբյուր, Նորաշեն, Սովսես, Չորաթան, Արծվաբերդ, Ն.Կ. Աղբյուր, Այգեպար, Այգեձոր, Չինարի բնակավայրեր: Նոյեմբերյան համայնք՝ Ոսկեպար, Բաղախի, Կոթի, Բարեկամավան, Ոսկեվան, Զորական, Հաղթանակ, Արծիս, Այրում, Լճկաձոր, Պողպատ, Դեղձավան, Բագրատաշեն, Դեբեդավան բնակավայրերը:

ՈՍԿԱՆ ՍԱՐԳՅԱՆ Տավուշ

ՀԱՆԴԻՊՈՒՄ

ՈԳԵՇՆՉՈՒՄ Է ԵՐԻՏԱՄԱՐԳՆԵՐԻՆ

Հայցնի եւ աւխույժ մի օր. աւխահառչակ բառահար Միքայել Ոսկանյանն այցելեց «Ընթացիկ եւ Համայնք» ՀԿ-ի Մեծամորի կենտրոն՝ բողոքով անցնելի հեժ ավելի քան 550 երեխաների սրտերում, որոնց թվում էին նաեւ Արցախից բռնաճեղաքանդված երեխաներ: Հայկական երաժշտական ժառանգության դաստիարակմանը նվիրված իր բացառիկ ազդանշանով եւ նվիրվածությամբ հայցնի Ոսկանյանը ոգեւորեց փոքրիկ լսարանին իր կրթով եւ արվեստով՝ այդ օրը վերածելով ուսուցման եւ ոգեւնշման ամնոռանալի փորձի:

Հայկական երաժշտական ժառանգության ուղեւորություն

Իր այցի ընթացքում, Ոսկանյանը կիսվեց իր խորը գիտելիքներով թառի մասին՝ այս հին հայկական լարային գործիքը ներկայացնելով երեխաներին իր հարուստ պատմությամբ, յուրահատուկ կառուցվածքով եւ նվագելու համար անհրաժեշտ բարդ տեխնիկայով: Նրա պատմությունները ոչ միայն կյանք տվեցին գործիքի մշակութային նշանակությանը, այլեւ երեխաների մեջ առաջացրին հպարտության եւ հետաքրքրության զգացում:

Ինտերակտիվ սեանսի ժամանակ երեխաներին հնարավորություն տրվեց հարցեր տալ, շոշափել գործիքը եւ նույնիսկ փորձել նվագել մի քանի նոտա: Նրանց աջքերը փայլում էին հուզմունքից, երբ նրանք կապվում էին այս գեղեցիկ հայկական ժառանգության հետ՝ առաջացնելով նոր հետաքրքրություններ եւ կիրքեր:

Հիշարժան կատարում

Օրվա կարեւորագույն պահը Միքայել Ոսկանյանի կախարդական կատարումն էր: Ամեն նոտան տարածության մեջ արձագանքում էր՝ ունկնդիրներին տեղափոխելով մեղեդու եւ ռիթմի աշխարհ՝ ցուցադրելով թառի արտահայտիչ ուժը: Երեխաները լսում էին հիացած, ոմանք մեղմորեն օրորվում էին երաժշտության տակ, մյուսներն ամբողջությամբ ընկղմված էին կատարումի մեջ: Մթնոլորտը լցված էր հայտնագործման եւ ստեղծագործական արտահայտման բերկրանքով:

Աջակցություն ավելի մեծ նպատակին

Միքայել Ոսկանյանի այցը նշանակալից «Ընտանիք եւ Համայնք» Արվեստի եւ արհեստների թերապիայի ծրագիր - ստեղծագործականության միջոցով ներուժի բացահայտում» դրամահավաքի մեկնարկը: Այս նախաձեռնությունն ուղղված է խոցելի խմբի երեխաներին արվեստի եւ արհեստների թերապիա տրամադրելու՝ օգնելու նրանց արտահայտել իրենց զգացմունքներն ու դիմակայել դժվարություններին ստեղծագործական արտահայտման միջոցով: Թուֆենկյան հիմնադրամը պարտավորվել է կրկնապատկել բոլոր նվիրատուներին՝ ավելացնելով յուրաքանչյուր ներդրման ազդեցությունը:



ված է խոցելի խմբի երեխաներին արվեստի եւ արհեստների թերապիա տրամադրելու՝ օգնելու նրանց արտահայտել իրենց զգացմունքներն ու դիմակայել դժվարություններին ստեղծագործական արտահայտման միջոցով: Թուֆենկյան հիմնադրամը պարտավորվել է կրկնապատկել բոլոր նվիրատուներին՝ ավելացնելով յուրաքանչյուր ներդրման ազդեցությունը:

«Մենք խորապես շնորհակալ ենք Միքայելին՝ մեր կենտրոնի իր տաղանդն ու կիրքը բերելու համար», - ասաց «Ընտանիք եւ Համայնք» ՀԿ-ի ներկայացուցիչը: «Նրա այցելությունը ոչ միայն ուրախացրեց երեխաներին, այլեւ ոգեշնչեց նրանց ուսումնասիրել արվեստը եւ կապ հաստատել իրենց մշակութային արմատների հետ: Նվիրատուների եւ Թուֆենկյան հիմնադրամի նման գործընկերների աջակցության շնորհիվ մենք կարող ենք շարունակել այս անգնահատելի փորձառությունները տրամադրել կարիքավոր երեխաներին»:

Ուրախության եւ ստեղծագործության օր

Երեխաները պարզապես դիտորդներ չէին, նրանք ակտիվորեն մասնակցեցին տոնակատարություններին: Ոգեշնչված Միքայելի կատարումից՝ նրանք երգեցին երգեր, պարեցին եւ նույնիսկ տիկնիկային ներկայացրին ցուցադրեցին՝ դրսևորելով իրենց ստեղծագործական տաղանդները: Կենտրոնը լցված էր ուրախությամբ, ծիծաղով եւ համայնքային ոգով՝ արտահայտելով այն ամենը, ինչի նպատակն ունի արվեստի եւ արհեստների թերապիայի ծրագիրը:

Ինչպես կարող եք օգնել

Աջակցելով այս արշավին՝ դուք կարող եք ավելի շատ նմանօրինակ օրեր պարգևել «Ընտանիք եւ Համայնք» ՀԿ-ի Մեծամորի կենտրոնի երեխաներին: Ամեն նվիրատվություն, անկախ չափից, կրկնապատկվելու է Թուֆենկյան հիմնադրամի կողմից՝ դարձնելով ձեր ներդրումը կրկնակի ազդեցիկ:

ՆՈՐՈՒԹՅՈՒՆՆԵՐ

ԱՂԻՔԱՅԻՆ ՎԱՐԱԿՆԵՐԻ ԳԵՊՔԵՐԸ ՆՎԱԶԵԼ ԵՆ

Վիճակագրական կոմիտեի կողմից իրապարակված առողջապահական տվյալները վկայում են՝ այլ սալմոնելոզային վարակները 2024 թվականի հունվար-հուլիս ամիսներին նախորդ տարվա համեմատ նվազել են: 2023 թվականին սալմոնելոզային վարակների 375 դեպք է գրանցվել, իսկ 2024 թվականին՝ 338 դեպք: 37-ով պակասել են վարակման դեպքերը: Չճշտված եւ ենթադրյալ աղիքային վարակները 2024 թվականի հունվար-հուլիս ամիսներին նախորդ տարվա համեմատ կրկին նվազել են: 2023 թվականին սալմոնելոզային վարակների 685 դեպք է գրանցվել, իսկ 2024 թվականին՝ 582 դեպք: 103-ով պակասել են վարակման դեպքերը: «Ժողովուրդ» օրաթերթն արձանագրել է, որ աղիքային վարակման դեպքերը



Այլ մանրէային աղիքային վարակները 2024 թվականի հունվար-հուլիս ամիսներին նախորդ տարվա համեմատ եւս նվազել են: 2023 թվականին սալմոնելոզային վարակների 375 դեպք է գրանցվել, իսկ 2024 թվականին՝ 338 դեպք: 37-ով պակասել են վարակման դեպքերը:

վերջին երկու տարում նվազել են, սակայն որոշ հիվանդությունների եւ առողջությանը վնաս հասցնելու դեպքերը աճել են: ՀԱՄԱ ՄԻՔԱՅԵԼՅԱՆ

ԶԳՈՒՇԱՑՈՒՄ

Այս պահին շատ օգտատերերի մոտ առանց բացարձակ իրենց կողմից ինչ-որ բան անելու, գողացել են WhatsApp հաշվները: Այս մասին հայտնում է տեղեկատվական անվտանգության փորձագետ Սամվել Մարտիրոսյանը: «Բացի դրանից, շատերը չեն կարողանում մտնել «Ֆեյսբուք», քանի որ երկփուլային սմս-ը չի գալիս», -գրել է նա:

● Անցած 1 օրվա ընթացքում հանրապետությունում արձանագրվել է ճանապարհատրանսպորտային 13 պատահար. 14 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

ԶԱՐԳԱՑՈՒՄ

ԿԱՆՑԿԱՑՎԻ «Innovate Armenia» ՄԲՑՈՒՅԹԸ

Հայաստանում առաջին անգամ կանցկացվի համահայկական Innovate Armenia մրցույթը: Նպատակն է՝ խրախուսել և աջակցել Հայաստանում տաղանդավոր ստեղծարարների կողմից նորարարական ֆիզիկական պրոդուկտների զարգացմանը և միջազգային շուկաներում կենսունակ քիզնես հիմնելուն: Մրցույթը նախաձեռնել է իրականացնում է TCF Armenia-ը:

Մրցույթին կարող են մասնակցել թե՛ անհատներ, թե՛ թիմեր ամբողջ Հայաստանից: Սա աննախադեպ հնարավորություն է մրցույթի մասնակիցների համար՝ համապատասխանեցնելու իրենց գաղափարները միջազգային չախանիշներին, դարձնելու դրանք մրցունակ ամբողջ աշխարհում, հավաքելու գումար նախնական արտադրության համար, ձեռք բերելու կապեր և օգտակար ծանոթություններ: Անհրաժեշտ կլինի ներկայացնել գաղափարի նախապատմությունը, պրոդուկտի ամբողջական և մանրակրկիտ նկարագիրը՝ գծապատկերներով և հավանական սկեչետներով, ինչպես նաև շուկայի ուսումնասիրությունն ու զարգացման ծրագիր: Բնականաբար, պետք է առանձնահատուկ ընդգծել, թե ինչով է նախագիծն առանձնահատուկ և արժանի վերաժվելու իրական ապրանքի:

Ժյուրին գնահատելու է մասնակիցների նորարարական գաղափարները, իրագործելիությունը, շուկայի պոտենցիալը, թիմի կամ անհատի մասնագիտական ներուժը և ներկայացման հմտությունները:

Առաջին հորիզոնականը զբաղեցրած անհատը կամ թիմը կստանա համապարփակ աջակցություն գաղափարի վավերացումից մինչև արտադրություն, ներառյալ՝ մենթորության հնարավորություն ուղորտի փորձագետների հետ, շուկայի համապատասխանության ստուգում, նախատիպի ստեղծման ծառայությունների հասանելիություն, քրաուդֆանդինգի աջակցություն, ինչպես նաև ներթվորքի հնարավորություններ՝ ներդրողների և արտադրողների մեծ բազայի հետ:

Երկրորդ տեղը զբաղեցրած թիմը կամ անհատը հնարավորություն կունենա օգտվել շուկայի համապատասխանության ստուգման ծառայությունից, կմասնակցի մենթորության, ինչպես նաև կստանա պոտենցիալ շուկա մուտք գործելու համար պրոդուկտի նախապատրաստման ուղղորդում:

Երրորդ հորիզոնականում հայտնված թիմը կամ անհատը կօգտվեն շուկայի համապատասխանության ստուգման ծառայությունից և մենթորությունից:

Նշենք, որ մրցույթի մասնակցության հայտերի ներկայացման վերջնաժամկետը հոկտեմբերի 23-ն է:

ԹՎԱՅԻՆ ՊԱՏԿԵՐ

ԱՌԻՌՎԱՃԱՌՔ՝ ՕՏԱՐԵՐԿՐՅԱ ԲՆԱԿԱՐԱՆՆԵՐԻ ԿՈՂՄԻՑ

Վիճակագրական կոմիտեից «Ժողովուրդ» օրաթերթը տեղեկացավ, թե օտարերկրյա քաղաքացիների կողմից ինչքան են կազմել գնված և վաճառված աճառք գույքի գործարքները՝ ըստ ՀՀ մարզերի և մայրաքաղաք Երևանի՝ 2024 թվականի հուլիս ամսում:

Այսպիսով, օտարերկրյա քաղաքացիների կողմից մայրաքաղաք Երևանում գնվել է 70, իսկ վաճառվել 60 անշարժ գույք:

Արագածոտնի մարզում գնվել է 5, վաճառվել՝ 25 գույք:

Արարատի մարզում 7 գույք է գնվել, սակայն վաճառվել է 24 անշարժ գույք:

Օտարերկրյա քաղաքացիների կողմից Արմավիրի մարզում գնվել է 13, իսկ վաճառվել 26 անշարժ գույք:

Գեղարքունիքի մարզում գնվել է 8, վաճառվել՝ 9 անշարժ գույք:

Լոռու մարզում գնվել է 4 անշարժ գույք, սակայն վաճառվել է 26-ը:

Կոտայքի մարզում գնվել է 18, վաճառվել է 39 անշարժ գույք:

Շիրակի մարզում գնվել է 9, վաճառվել՝ 12 անշարժ գույք:

2 անշարժ գույք գնվել, իսկ 7-ը վաճառվել է Սյունիքի մարզում:

Վայոց Ձորի մարզում գնվել է ընդամենը 3 գույք և վաճառվել 2-ը:

Տավուշի մարզում գնվել է 9 գույք, վաճառվել՝ 23-ը:

Ընդհանուր ՅՅ-ում օտարերկրյա քաղաքացիների կողմից գնվել է 148 անշարժ գույք, իսկ վաճառվել՝ 253-ը:

Նայելով այս վիճակագրությանը՝ ակնհայտորեն երևում է, որ վաճառված անշարժ գույքի թիվը զգալիորեն գերազանցում է գնված անշարժ գույքի թվին՝ հատկապես սահմանամերձ մարզերում:

Առավել հետաքրքիրն այն է, թե ինչ անշարժ գույքեր են ամենաշատը գնել և վաճառել օտարերկրյա քաղաքացիները ՅՅ-ում:

Օտարերկրյա քաղաքացիների կողմից ամենաշատ գնված անշարժ գույքը բազմաբնակարան շենքի բնակարանն է:



Բազմաբնակարան շենքի բնակարան գնվել է 56, իսկ վաճառվել՝ 95 հատ:

Ամենաքիչ գնված անշարժ գույքն արտադրական նշանակության շինությունն է, որից գնվել է 2, իսկ վաճառվել՝ 1 հատ:

«Ժողովուրդ» օրաթերթը վիճակագրական կոմիտեից տեղեկացավ, թե օտարերկրյա քաղաքացիների կողմից բաժնի՝ անշարժ գույքի գործարքներ են եղել ՅՅ-ում 2024 թվականի հուլիս ամսին՝ ըստ գույքի տեսակների և երկրների ու տարածաշրջանների:

Ներկայացնում ենք այն 3 երկրները, որոնց քաղաքացիներն ամենաշատն են ՅՅ-ում անշարժ գույք գնել:

Այսպիսով, առաջատարը Ռուսաստանի Դաշնությունն է: Ռուսաստանի Դաշնության 76 քաղաքացի ՅՅ-ում գնել է բազմաբնակարան շենքի 35 բնակարան, բնակելի 11 տուն, արտադրական նշանակության 1 շինություն, հասարակական նշանակության 3 շինություն, 13 ավտոտնակ և 13 հողատարածք:

Երկրորդ տեղում ԱՄՆ-ի քաղաքացիներն են: ԱՄՆ-ի 35 քաղաքացի ՅՅ-ում գնել է բազմաբնակարան շենքի 9 բնակարան, բնակելի 7 տուն, արտադրական նշանակության 1 շինություն, 7 ավտոտնակ և 11 հողատարածք:

Երրորդ տեղում Եվրոպական պետությունների քաղաքացիներն են, սակայն համեմատաբար ՌԴ-ի և ԱՄՆ-ի քաղաքացիների՝ քիչ են ձեռք բերել անշարժ գույք ՅՅ-ում:

Եվրոպական պետությունների 21 քաղաքացի ՅՅ-ում գնել է բազմաբնակարան շենքի 9 բնակարան, բնակելի 1 տուն հասարակական նշանակության 1 շինություն, 1 ավտոտնակ և 9 հողատարածք:

ԱՄՆԱ ՍՈՑԻՈՒՅԱՆ

ԸՆԹԱՑԻԿ

ԻՆՉ ՎԻՃԱԿ Է ԼՈՒԻՌԻՄ 5 ԱՄԻՍ ԱՆՑ

Մայիսի 25-26-ին Լոռու մարզի աղետից հետո մեծ իրարանցում էր սկսվել, տեղի բնակիչներից շատերը գրկվել էին իրենց տանը ապրելու հնարավորությունից, սակայն գրեթե 5 ամիս անց շատ ընտանիքներ էլ կան, ովքեր նույն կարգավիճակում են դեռ, քանի որ աղետի հետեանքով վնասվել է ամբողջ տունը և կրկին վերականգնել դժվար է:

Ավաճեցողի համայնքի ղեկավար Դավիթ Ղուճաշյանը լրագրողների հետ զրույց ունեցավ, որի ժամանակ հավաստիացրեց, որ բոլոր խնդիրները արդեն լուծում են ստանում:

Տեղեկացանք, որ մինչ մեզ հետ հանդիպումը համայնք էր ժամանել Լոռու մարզպետ Արամ Ղազարյանը:

«Ժողովուրդ» օրաթերթը լրագրողների հետ զրույցի ժամանակ հարց հնչեցրեց, թե արդյոք մարզպետի այցը կապ ունե՞ր համայնքի վերականգնողական փուլի հետ և եթե այո, ապա ի՞նչ դիտարկումներ

եղան նրա կողմից և ի՞նչ արժե սպասել առաջիկայում: Հանդիպումից հետո «Ժողովուրդ» օրաթերթը այցելեց նաև տեղի բնակիչներին, ովքեր նկարագրեցին, թե ի՞նչ վիճակում է հիմա իրենց տների վերականգման գործընթացը:

Մանրամասները՝ ArmLur.am կայքի տեսանյութում ԷՍՍԱ ՄՈՐՏԻՈՒՅԱՆ

ՄԱՆՐԱՄԱՆԵՐ

«Ժողովուրդ» օրաթերթը վիճակագրական կոմիտեից տեղեկացավ, թե անշարժ գույքի նկատմամբ ի՞նչ գործարքներ են իրականացվել՝ ըստ գույքի տեսակների:

2023 թվականի հունիս ամսին բազմաբնակարան շենքի բնակարանի առքուվաճառքի գործարք եղել է 1193 անգամ, իսկ 2024 թվականի մայիս ամսին՝ 1027 անգամ, նույն թվականի հունիս ամսին՝ 1161 անգամ:

Բնակելի տան առքուվաճառքի գործարք 2023 թվականի հունիսին իրականացվել է 674 անգամ, իսկ 2024 թվականի մայիս ամսին՝ 635 անգամ, նույն տարվա հունիս ամսին՝ 629 անգամ:

Արտադրական նշանակության շինության գործարք 2023 թվականի հունիսին իրականացվել է 72 անգամ, իսկ 2024 թվականի մայիս ամսին՝ 47 անգամ, նույն ամսվա հունիս ամսին՝ 45 անգամ:

Հասարակական նշանակության շինության գործարք 2023 թվականի հունիսին իրականացվել է 189 անգամ, իսկ 2024 թվականի մայիս ամսին՝ 159 անգամ, նույն թվականի հունիս ամսին՝ 190 անգամ:

Ավտոտնակի առքուվաճառքի գործարք 2023 թվականի հունիս ամսին կատարվել է 221 անգամ, իսկ 2024 թվականի մայիս ամսին՝ 421 անգամ, նույն տարվա հունիս ամսին՝ 347 անգամ:

Հողի առքուվաճառքի գործարք 2023 թվականի հունիս ամսին կատարվել է 2149 անգամ, իսկ 2024 թվականի մայիս ամսին՝ 2463 անգամ, նույն թվականի հունիս ամսին 2182 անգամ:

Գյուղատնտեսական նշանակության հողի առքուվաճառքի գործարք 2023 թվականի հունիս ամսին կատարվել է 1099 անգամ, իսկ 2024 թվականի մայիս ամսին՝ 1101 անգամ, նույն թվականի հունիս ամսին՝ 884 անգամ:

Ա. ՍՈՑԻՈՒՅԱՆ

«Ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅՑ

ԱՐՄԵՆԻԱ» ՓԱՌԱՏՈՆ

ԱՇԽԱՐՀՈՒՄ ՀԱՅՏՆԻ ԵՐԱԺԻՇՏՆԵՐԻ ԿԱՏԱՐՈՒՄՆԵՐ

«Արմենիա» միջազգային երաժշտական 8-րդ փառատոնի Երևանում հասանալի օրերից հետո...



հատ ուզում է վերադառնալ այս կոնցերտին: Շորի կոնցերտը, ըստ երաժշտի, թեև վերջին տարիներին է գրվել...

կատարելիք ստեղծագործությունների ծրագրում է: Հիշեցնենք, որ «Արմենիա» 8-րդ երաժշտական փառատոնն...

ԳԻՏԱԺՈՂՈՎՈՎ ՆՇՎԵՑ ԶՅԻ 10-ԱՄՅԱԿԻՆ

Մույն թվականի սեպտեմբերի 23-ին ՀՀ Գիտությունների ազգային ակադեմիայում...

մշտապես կարելի է համագործակցությունը Գիտությունների ազգային ակադեմիայի...

Նշվեց ԶՅԻ ԶՅԻ թվական կոմիտեի 10-ամյակը ստորագրվեցին համագործակցության հուշագրեր

Գիտաժողովին մասնակցեցին 33 գիտական, կրթական, ուժային կառույցների ղեկավարներ, ներկայացուցիչներ...

Գիտաժողովի 2րջանակում ԶՅԻ ԶՅԻ թվական կոմիտեի 2րջանակում ԶՅԻ ԶՅԻ թվական կոմիտեի 2րջանակում...

Նշվեց ԶՅԻ ԶՅԻ թվական կոմիտեի 10-ամյակը ստորագրվեցին համագործակցության հուշագրեր

ՄԱՐԶԱԿԱՆ

ՀԱՂԹԱՆԱԿՈՎ ՄԵԿՆԱՐԿԵՑ

Հայկական արմատներով ռուսաստանցի թենիսիստ Կարեն Խաչատրյանը...

ԱՌԱՋԻՆ ԱՆԳԱՄ ԵՎԱՃԵԼ Է ԱՄՆ ԳԱՎԱԹԸ

«Լուս Անջելեսը» կաճեց ԱՄՆ գավաթը: Եզրափակչում Ֆրանսիայի հավաքականի Նախկին հարձակվողի Նորթի-մը...

UFC-Ի ՄԱՐՏԻԿ

UFC-ի ամերիկացի մարտիկ Մեթ Ֆրեյլը խոսել է փրոմոուշենի թեթև քաշային կարգի դասակարգման աղյուսակի...

● Հոկտեմբերի 28-ին՝ ժամը 12:00-ին, Գ. Սունդուկյանի անվան ազգային ակադեմիական թատրոնում կցուցադրվի «Մոխրոտը» ներկայացումը: Տոմսերի արժեքը՝ 1.000-3.000 դրամ:



Էջը՝ ԱՆՎԱՐԴ ԿՈՇԿԱԿԱՐՅԱՆԻ

ԱՌՈՂՋԱՊԱՅՎԱԿԱՆ

ՀԱՐՑ. Ի՞նչն է հիմք հանդիսանում հիվանդներից անվճար կամ արժեքայի զրկմանը դեղեր նստահանելու համար:

Լիլիթ Մկրտչյան (42 տարեկան)



ՊԱՏԱՍԽԱՆ. Հիվանդներին անվճար կամ արտոնյալ պայմաններով դեղեր նշանակելիս հիմք է ընդունվում ամբուլատոր քարտում առկա արտոնյալ դեղեր կամ հիվանդանոցային կազմակերպության կողմից տրված հիվանդության պատմությանից գրված քաղվածքը (էպիկրիզ):

Ելնելով հիվանդությունից, եթե հիվանդին բժշկի ցուցումով նշանակվել է Հիմնական դեղերի ցանկում չընդգրկված դեղ, ապա ամբուլատոր-պոլիկլինիկական բժշկական կազմակերպության տնօրենի հրամանով ստեղծվում է հանձնաժողով, որի եզրակացության հիման վրա հիվանդին դուրս է գրվում դեղ Հայաստանի Հանրապետության առողջապահության նախարարի 2008 թվականի հուլիսի 7-ի N 11-Ն հրամանով հաստատված «Հայաստանի Հանրապետությունում գրանցված դեղերի պետական գրանցամատյանի (ռեեստրի)» ցանկից:

ՀՀ առողջապահության նախարարություն

«ԺՈՂՎՈՒՐԳ». Անվճար կամ արտոնյալ պայմաններով տրվող դեղերի դեղատոմսերը դուրս են գրվում Հայաստանի Հանրապետության կառավարության 2001 թվականի օգոստոսի 14-ի «Հայաստանի Հանրապետությունում կիրառվող դեղատոմսային ձեռաթղթերը հաստատելու մասին» N 759 որոշման եւ Հայաստանի Հանրապետության առողջապահության նախարարի 2002 թվականի փետրվարի 2-ի «Հայաստանի Հանրապետությունում դեղատոմսի դուրսգրման եւ դեղերի բաց թողնման կարգի» N 100 հրամանի պահանջներին համապատասխան:

ՀԱՍԱՐԱԿՈՒԹՅՈՒՆ

ՀԱՐՑ. Ե՞րբ կարող է ուսուցիչը դիմել սահակարգ սահմանու համար:

Աշոտ Ալավերդյան (36 տարեկան)



ՊԱՏԱՍԽԱՆ. ««Հանրակրթության մասին» ՀՀ օրենքում փոփոխություններ եւ լրացումներ կատարելու մասին» 2022 թ. փետրվարի 9-ի ՀՕ-35-Ն օրենքը ուժի մեջ է մտել 2022 թ. մարտի 3-ից, որով սահմանվել են փոփոխություններ նաեւ ուսուցիչների տարակարգի շնորհման գործընթացում:


Համաձայն վերոգրյալ օրենքի պահանջների՝ մարտի 3-ից սկսած՝ տարակարգի շնորհման գործընթացը կիրականացվի կրթության պետական կառավարման լիազորված մարմնի կողմից օրենքով սահմանված ենթաօրենսդրական իրավական ակտն ընդունելուց հետո, որով կսահմանվեն տարակարգի շնորհման համար ուսուցչի մասնագիտական չափանիշները:

ՀՀ ԿԳՄՄՆ

«ԺՈՂՎՈՒՐԳ». Անհրաժեշտ է տարակարգի շնորհման համար դիմում ներկայացնել ենթաօրենսդրական իրավական ակտի ընդունումից հետո:

ԼՈՒՐ ԿԱԴՐ

Լուսանկարը՝ համացանցից



Արդեն այսօր Մայր աթոռ սուրբ Էջմիածնում, Ն.Ս.Օ.Տ.Տ. Գարեգին Բ Ամենայն Հայոց կաթողիկոսի ձեռամբ տեղի կունենա սրբալույս մյուռնի օրհնությունը

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկիստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎԱՐԴ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդախտաբար ձեր բարձրագույն բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+3 + 8 +18 + 23	Արարատ	+13 + 15 +25 + 27
Կոտայքի լեռներ	+4 + 7 +18 + 21	Արմավիր	+12 + 14 +25 + 27
Կոտայքի նախալեռներ	+11 + 13 +22 + 24	Վայոց ձորի լեռներ	+6 + 8 +17 + 20
Գեղարքունիք	+4 + 8 +17 + 20	Վայոց ձորի նախալեռներ	+13 + 15 +25 + 27
Լոռի	+6 + 10 +18 + 21	Սյունիքի հովիտներ	+16 + 18 +23 + 26
Տավուշ	+8 + 13 +20 + 24	Սյունիքի նախալեռներ	+8 + 11 +19 + 21
Արագածոտնի լեռներ	+4 + 7 +17 + 20	ԼՂՀ	+8 + 10 +17 + 19
Արագածոտնի նախալեռներ	+10 + 14 +21 + 25	Երեւան	+18 + 20 +23 + 25

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 2, հեռ.՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 27.9.2024
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը: «Շարունակությունը կարող էք կարդալ «Ժողովուրդ» օրաթերթի այսօրվա համարում»: